



## Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||  
Jesv Theologi.|| De || Christiani hominis || Perfectione In  
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

In Qvo Agitvr Nominatim De Sacerdotibus, Confessarijs, Magistris siue  
Doctoribus, Concionatoribus, Episcopis & alijs Prælatiſ, eorumque  
Ministerijs - In ſeptem Tractatus distributus ...

**Puente, Luis de la**

**Coloniæ Agrippinæ, 1629**

I. Consideratio pro die Dominico.

[urn:nbn:de:hbz:466:1-45750](https://nbn-resolving.org/urn:nbn:de:hbz:466:1-45750)

Tom. 1.  
tract. 4. s. 4.

fiduciæ, obedientiæ, & similes alios; ac denique concludere petitionibus & colloquijs cum Deo Domino nostro: vt impetret quod optat, possitque dignè ad sacrum Altare accedere. Huius rei praxim posuimus in tractatu de sacra cœmunionem cum varijs considerationibus, quæ iuuant ipsius præparationem per omnes hebdomadæ dies. Et speciatim positæ fuerunt septem considerationes, quæ completèbantur omnia, quæ in Sanctissimo hoc Sacramento continentur. In quibus merito Sacerdotes sese exercent, perpendentes in singulis non solum quod accipiunt; sed etiam quod offerunt: siquidem vtrumque in Missa faciunt. Accipiunt enim corpus Christi D. N. glorificatum, preciosum eius Sanguinem, Sanctissimam animam, ac Diuinam Personam infinitam, heroicæ eius virtutes, & satisfactiones, ac merita: & hæc eadem æterno Patri offerunt in hoc Sacrificio: & quidem priùs offerunt quàm suscipiant: quod si oblatio bene fiat, cœmunionis fit magis fructuosa.

SED quoniam argumentum hoc copiosissimum est, suauissimum, & utilissimum; addemus hic breues alias considerationes, Sacerdotibus magis accommodatas: vt breui illo tempore, quod expendunt in præparatione ad ipsam Missam, breuia aliqua puncta in promptu habeant, quibus pij, neque prolixioribus ratiocinationibus addicti, inescantur ac fontantur excelsis affectibus, qui hic insinuantur; qui autem fusioribus ratiocinationibus magis proficiunt, possint vela earum amplius extendere; & novas cogitationes inquirent, quibus novos excitent affectus. Singularem autem considerationum thema & fundamentum erit insignis aliquis Sacræ Scripturæ locus, qui memoriæ ita deseruiat, vt cœmunionem reliqua totum diem quasi festum agant ei.

c Psal. 75. 1.

I. Consideratio pro die Dominico.

a Ioan. 3. 16.

**S**IC DEVS dilexit mundum, vt filium suum vnigenitum daret. Quæ admodum Deus summum amorem suum erga mundum ostendit, dans ei filium suum vnigenitum, vt eius reparationis causa homo fieret, accipiens ad id tanquam instrumentum Beatissimam Virginem Dominam nostram, quæ vt Mater illum in suis visceribus concepit: ita mundus eundem summum amorem suum erga eundem mundum ostendit, dans ei eundem filium suum vnigenitum, quo alatur & sustentetur: vt tunc autem ad hoc tanquam instrumento Sacerdote consecrante in Missa panem & vinum.

ELVA igitur, ô anima mea, oculos tuos, vt attentius videas, quis illi sit, qui tanto amore hoc donum tibi largitur: & agnosces, esse Deum infinitum, æternum, & immensum, summè bonum, sapientem ac potentem, qui eo solo, quod se aspiciat, & amet, infinito gaudio perfruitur: vt opus non habeat quenquam alium diligere, vt ipse sit beatus; cuius amor non

in totis

in solis consistit verbis, sed in re ipsa: quia quemcumque amat, semper ei aliquid tribuit: quod, licet in se modicum videatur: magni tamen est valoris, eò quòd talis sit qui illud donat, tantoque amore donat. **A T T E N D E** etiam statim, quale donum hic det, dilectissimum scilicet ac preciosissimum, quod habebat: dat enim nobis vnigenitum filium suum, verum Deum & hominem: quia quò Deus, & quò est infinitus, sapiens, ac potens atque ipsemet eius Pater; quò homo autem habet omnes thesauros Sapientiae, & charitatis Dei: quamuis ad nos veniat, velo panis & vini tectus; quia non potuisset mundus infinitum eius splendorem intueri, & ferre. **P E R P E N D E** etiam, cui donum hoc adeò preciosum detur; & inuenies dari toti mundo, non solum Ecclesiae capitibus, Principibus, & Magnatibus terrae; sed Christianis omnibus, etiam si aliquibus valde abiectis, & qui magni fuerint peccatores: vt omnes illud in sua viscera immittant; vt nutriantur & confortentur gratis ac donis, quae in ea ingressum eis communicat. **A T T E N D E** denique per quodnam medium hoc donum detur, & videbis esse Sacerdotes, in quorum voluntate amabilissimus Deus suam posuit, statuens dare hoc donum, quancumque Sacerdos (quicumque ille sit) panem & vinum consecrauerit. Dat autem hoc donum non solum vt illud comedat, & sumat; sed etiam vt in Sacrificio illud offerat: & sic illud ei reddat in gratiarum actionem, ob tanti doni magnitudinem. O Deus in amando immense, & in donando profusissime! quis mihi det, ita te amare, sicut me amas: vt dem tibi quicquid à me petis! summo amore dedisti mihi summum quod habebas: nunc venio, vt cum omni cordis mei amore summum, quod possum, hoc est id ipsum quod mihi donasti, tibi de nudo offeram. Sic ostendam meum erga te amorem: eum filium tuum vnigenitum tibi obtulero; vt per eum summum tibi deferam honorem, gratiasque summas agam pro amore, quo illum mihi dedisti. Per tuum erga eum amorem oro supplex, vt me ita amore tuo accendas, vt semper & in omnibus tibi paream, & seruiam in aeternum. Amen.

II. Consideratio pro Feria. II.

**Q**uod proprio filio suo non pepercit, sed pro nobis omnibus tradidit illum: quomodo non etiam cum illo omnia nobis donauit? Cur anima mea contritior? cur me conturbas, audiens talia verba? Quid dubitas, ac diffidis, tale habens pignus & cautionem? considera infinitam liberalitatem Dei tui: qui ob amorem, quo te prosequitur, omnia quaecumque fecit, in tuum commodum destinauit: b Omnia (ait Apostolus) vestra sunt, siue Paulus, siue Apollo, siue Cephas, siue mundus, siue vita, siue mors, siue presentia siue futura: omnia enim vestra sunt: Vos autem Christi, Christus autem Dei. Cuius charitas eò vsque peruenit, vt nec vnigenito filio, quem in sua aeternitate genuit, pepercerit, neque ab hac sua ordinatione voluerit exemptum,

2.

3.

4.

a Rom. 8. 32.

1.

b 1 Cor. 3.

2.